



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გეგის მღვიმე

გეგის მღვიმე, კარსტული მღვიმე გაგრის მუნიციპალიტეტში, გეგის ხეობის მარჯვ. ფერდობზე, რინის გბატკეცილის 24-ე კმ-ზე, ზ. დ. 250 და მდინარის დონიდან 44 მ სიმაღლეზე. გამომუშავებულია ზედაიურულ კირქვებში, რეგიონული რღვევის ხაზის არეალში. მღვიმის წინა 55 მ-იან მონაკვეთს სიფონამდე გვირაბის ფორმა აქვს (სიმაღლე 5-7 მ, სიგანე 4-5 მ); სიფონური ტბების სისტემით მღვიმე გაყოფილია ცალკეულ მონაკვეთებად. პირველი სიფონური ტბა არის 55-ე მ-ზე, შესასვლელიდან 1200 მ-ზე ძირითადი ტალანი იხშობა გრძელი სიფონური დერეფნით. მღვიმეს უმთავრესად სუბპორიზონტული ფსკერი აქვს. ალაგ-ალაგ „დატეხილია“ საკმაოდ მაღალი საფეხურებით. ბაფხულში წყლის ნაკადის ხარჯი 40 ლ/წმ. აქვს მრავალრიცხოვანი განშტოებები. გაბმული წვიმებისა და თოვლის დნობისას მღვიმის მნიშვნელოვანი ნაწილი წყლით ივსება. ძირითადი მაგისტრალის პარალელურად და მასზე დაბალ დონეზე მდებარეობს წყლით მთლიანად გამოვსებული დერეფანი, რ-იც მთავარ ტალანს სიფონური ტბებით უკავშირდება. მათში ბინადრობენ გვერდმცურავები და რამდენიმე სანტიმეტრის სიგრძის გამჭვირვალე უთვალეობო თევზები. მღვიმის ჯამური სიგრძეა 2250 მ, ფსკერის ფართ. – 9600 მ<sup>2</sup>, მოცულობა – 86000 მ<sup>3</sup>.

ლიტ.: Д у б л я н с к и й В. Н., Т и н т и л о з о в З. К. и др., Крупные карстовые полости СССР, т. 3, Киев, 1987.

**ზ. ტატაშიძე**

---